

## **Mei Goatn/Mei Leben**

(T: Schallauer, Mayr/M: Schallauer)

I hob oiwäu so vü im Goatn zum tun  
so vü zum hackeln, i glaub i verschiebs auf morgen  
i muas heindln, rechen, wos vom Obi besorgen  
de Wöd geht unter und Rapid hot verloren  
griag nix mit, so vü im Goatn zum tun  
wanns ned boid regnt, dann kippt mei Teich  
wanns ned boid regnt, dann kippt mei Teich  
so vü trucka, des sog i eich  
und dann der ganze Pollenscheiß,  
verstopft de Pumpe, de woa nogleich  
so vü hockn, der gschissene Teich

Mei Goatn, mei Leben  
mei Goatn, mei Leben

A Rasenmäroboter kummt ma ned ins Haus  
a Rasenmäroboter kummt ma ned ins Haus  
der mocht mei Hockn, wie schaut des leicht aus?  
I moch mein Rasen söwa in Garaus  
i pflanz de gschissenen Bleamin um  
i pflanz um des ganze Haus herum  
dem Unkraut kum i min Glyphosat  
wer wa i leicht, wann i des net dad  
es gibt nix schlimmas wie freie Zeit  
es gibt nix schlimmas wie a geile Zeit  
es gibt nix schlimmas wie an kippten Teich  
wanns net boid regnt, dann kippt mei Teich

Mei Goatn, mei Leben  
mei Goatn, mei Leben

## **Backstage**

(T: Schallauer, Kittner, Mayr/M: Schallauer)

Schleich di  
aus mein  
Backstage  
schleich di aus mein Backstage

Mei Backstage Bereich is nix für eich  
mei Backstage Bereich is nix für eich

Schleichs eich, schleichs eich, schleichs eich, schleichs eich

Backstage  
na, du derfst sicha ned vo mein Ofen anziagn  
Backstage  
wöche Drecksau hot auf mei Gitarr gspiebm  
Backstage  
wer von euch Harlunken hat aus meinem Becherchen getrunken  
Backstage

Mei Backstage Bereich is nix für eich  
mei Backstage Bereich is nix für eich

## **Hotzenplotz**

(T/M: Schallauer)

Wer daschiasst de Gams, wer daschiasst de Sau, wer daschiasst in Baun  
geht scho geh mas au, du deppade Sau, schau moi wos i kau

Und sie hatten auch gar keine Angst vor der Polizei  
und auch nicht vorm Gendarm, weil sie ruthless waren

Wer lodt scho noch, wer frogt ned noch, wer brunzt in Boch  
wie geil kau ma sei, wie wüd kau ma sei, wie hoch kau ma steigen

Und sie hatten auch gar keine Angst vor der Polizei  
und auch nicht vorm Gendarm, weil sie ruthless waren

## **Moto GP**

(T: Mayr/Schallauer, M: Schallauer)

Es is laut und es stinkt, wie a Fuexe Konzert  
es verpestet die Luft so wies ghead  
Fahrradl foahn is für Hippies und Punks  
Verbrennungsmotoren in da Stadt und am Land

Ganz egal wos die Hater sogn  
saut Red Bull vom Spar, dann cruise i ganzen Tog  
I wü a Stangel Puch und kan Sportwagen

Die Geräuschkulisse gleicht am Düsenjet  
i was ganz genau, jeder finds fett  
De Viecher im Woid, de Girls im Café  
i flaig über d'Stroßn, s'Lebm is sche

Ganz egal wos die Hater sogn  
saut Red Bull vom Spar, dann cruise i ganzen Tog  
und wann i nimma foahn mog, dann schau i  
Moto GP, Moto GP, Moto GP, Moto GP

## **Panik**

(T/M: Schallauer)

Es scheidts eich au und i sog scheidts eich net au  
es bauts an Bunker und i trink an Kakao  
oder hot scho moi ana am Sterbebett gsogt  
i hob mei Lebtag lang vü z'weng Angst ghobt

Angst mocht spaß, Furcht is geil  
bei der Panik is für jeden wos dabei  
es scheidts des Leben, eich geht da Reis vorm sterben  
in jedem Freibad, schwimmt a Weißer Hai  
i bin vü lieber in mein klan Teich  
und bin i amoi draußen und siach i zu weit:  
Panik, Panik, Panik, Panik

Sei ma net bes, owa i nimm goanix ernst  
wannst des net glaubst, frog in Kronsteiner Ernst  
Er was bescheid, i hob endlose Schneid  
i kann nix und bin für olles bereit.

## **Räuber der Herzen**

(T/M: Schallauer)

Während si Kapitalisten mit Gödpackl fisten  
schmuggeln die Fuexe Kalashnikov Kisten  
weil sama uns ehrlich, bei aller Liebe  
wann ma wos verändert, dann mit Puffn und Hiebe  
de Unruhe wochst, während de Wirtschoft schrumpft  
und wir san der Sand im Getriebe

Auuu... diese Schmerzen  
a richtiger Fux is a Räuber der Herzen

Lossts uns in Ruah mit Goid und Sesterzen  
weil a richtiger Fux is a Räuber der Herzen  
da Organhandel boomt, wos soi dran verkehrt sein  
wir schneiden jedem Fascho de Brust auf  
und pflanzen a Herz ein

Auuu... diese Schmerzen  
a richtiger Fux is a Räuber der Herzen

## **Scheiß auf de Leit**

(T/M: Schallauer)

I ruaf an beim Kraft, da beste Installateur  
sog: „Kannst mas Heisl aussl reißen, ob heite scheiß i ma nix mehr“  
am Land reden d´Leit busndas schnö, bsundas gscheit  
owa so langs da wurscht is und du a fescher Bursch bist  
kannst mochn wos du wüst und wos di gfreit

I scheiß auf de Leit

I spring auf mei Brün und kann de Welt ganz kloa sehn  
kündig mein Bausparvertrag und loss ma an Jetski aufd Seiten legen  
do wird da Nachbar owa schauen, ganz zu schweigen sei Frau  
a so a Höllengerät is fürs Ego a Traum  
alright

I scheiß auf de Leit

I scheiß auf de Leit...

## **Selfmademan feat. Sonja from Baits**

(T: Mayr, Schallauer/M: Schallauer)

Geh kumm ma net mit ana gschissenen WG  
innerhoib vom Gürtel wohnt de Bobo-Heilsarmee  
Eigentum verpflichtet auf eich Gfraster zu gaxen  
i zoih doch ka Miete, heats auf mit diesen Faxen

Woa mei Vota scho ka Trottl net  
A der hot scho geerbt, des Erbe vermehrt  
hot guad investiert und in da Hockn brilliert  
hot in Kreisen verkehrt, vo de host du no nie gheat

I bin a Selfmade Man, a richtiger Hallodri  
ka Sandler, ka Druffi, ka Hippie, ka Studi  
i hob no nie verloren und trotzdem gwinn i immer  
i hob a Pin-up Poster vo da Thatcher im Zimmer

I bin wie a E-Scooter und lieg im Donaukanal  
olle Radl im Dreck sauf i o und dir is Scheiss egal

Du musst wirtschaftlich denken  
du host jo nix zu verschenken  
wos sogn de Experten, loss Kapital für di werken  
musst jeden Freistoß verwerten, so wie a Gärtner  
in den Hängenden Gärten von Babylon

Behinderte Kinder san für d'Wirtschaft ned geil  
wegen de Special Olympics geht ka Aktie steil  
i man, i kann mi net um jeden kümmern, höchstens um mi  
mei Mitgefühl liegt in Trümmern, Notre Dame de Paris

I bin wie a E-Scooter und lieg im Donaukanal  
olle Radl im Dreck sauf i o und dir is scheissegal  
I bin wie a E-Scooter und lieg im Donaukanal  
olle Radl im Dreck sauf i o und dir is scheissegal

### **Ungefiltert**

(T/M: Schallauer)

Welcher Schlagerstar bist du?  
Welches Pokemon bist du?  
Welcher General der Sowjetarmee bist du?  
Welches Real Housewife bist du?  
Welche gschissene Metalband bist du?  
Welche magersüchtige Blunzn von Germany's Next Topmodel bist du?

I moch a Büd vo mein Frühstück und schnoiz an Filter drauf  
Hashtag i hoss mei Leben und es foid kan auf  
I moch a Pick vo mein Dick und hau an Filter drauf  
Hashtag i hoss mei Leben und es foid kan Motherfucker auf

Ungefilterter Scheiß! Olles Schwoaz oder Weiß  
und i was ganz genau, dass es woits und es brauchts, wie de Kopfhaut de Leis  
Ungefilterter Scheiß! Olles Schwoaz oder Weiß  
und i was ganz genau, dass es woits und es brauchts, wie de Kopfhaut de Leis

Wannst es wirklich wüst und nur ganz fest dran glaubst  
hasst des no lang nix  
Wannst wirklich olles gibst und auf di söbst vertraust  
is des dem Universum sowos von scheißegal, du gschissenes Oaschloch

Ungefilterter Scheiß! Olles Schwoaz oder Weiß  
und i was ganz genau, dass es woits und es brauchts, wie de Kopfhaut de Leis  
Ungefilterter Scheiß! Olles Schwoaz oder Weiß  
und i was ganz genau, dass es woits und es brauchts, wie da Eisbär des Eis